



12. august 2010

UKA 2010/70

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara:

Suiaassuseqatiminnik atoqateqartartut kommuunip allaffiani aappariittut nalunaarsorneqaannartarnerannut taarsiullugu oqaluffimmi katissinnaangornissaat sulissutigeqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Justus Hansen, Demokraterne)

Tunngavilersuut

Aappariinneq oqaluffimmi katinneq amerlasuunut ataqatigiippoq. Ullumikkut suaassuseqatiminnik inooqateqartut kommuunip allaffianut nalunaarsortikkiartorsinnaapput tamatumalu kingorna oqaluffimmi pilluaqquneqartarput, Demokraatilli isumaat naapertorlugu tamanna naamnavinngilaq. Isumaqarpugut, suaassuseqatiminnik atoqateqartartut oqaluffimmi katissinnaasariaqartut, oqaluffiup immikkoortitsinani inuiaqatigiinni kikkugaluartulluunniit kiffartuutassarimmagit.

Inoqaterpassuagut suaassuseqatiminnik atoqateqartartuupput ullumikkullu inuiaqataasutut allatulli pisinnaatitaaffeqanngillat. Tamanna Demokraatit akuerisinnaangilaat, immikkoortitsinerummat. Taamaattumik politikkikkut iliuuseqartoqartariaqarpoq, suaassuseqatiminnik atoqateqartartut oqaluffimmi katissinnaangortinniarlugit, soorlumi inuiaqatigiinni allat taamatut pineqarsinnaasut.

Demokraatit inuit assigiinngitsuunissaat tapersersorpaat upperalugulu, assigiinngissuseq aqutigalugu assigiimmik pinnittoqarsinnaasoq. Allatut oqaatigalugu kikkut tamarmik inissaqartariaqarput, assigiinngitsuugutta inuit amerlaqisut assigiinngitsut pilersissavagut. Akaareqatigiittariaqarpugut inoqatitsinnullu ammasumik ataqinnilluta, taakkorpiaappullu Demokraatit ilisarnaatat.

Taamatut oqaaseqarlunga Naalackersuisut akissutissaannut kiisalu partiit allat oqaaseqaatissaannut qilanaarpunga.